

淵雅堂全集

# 序

先生少歲不好賦得詩既入京師始漸爲之見於所自作試帖詩課合存之序其與諸翰林同課刻行之者百篇其借刻他氏者不下二百篇一出而風行天下南北翻版雜出不可禁雖滇黔極微無不誦先生詩者及茲重定淵雅堂編年詩藁自以不登館閣不欲多存此體頗加汰去凡一題而數爲之則祇存其一今在錄者二百有八篇釐爲二卷置諸外集嘉慶八年夏先生在揚州以四方求索者衆副鈔不給鐫版甫就輒先印行榮光等實與校讐識其事簡端門下士

甘泉汪榮光儀徵戴

寧等謹

識

淵雅堂詩外集目次

長洲王芭孫念豐

賦得詩 一百四首

振衣千仞岡得岡字八韻

濯足萬里流得流字

見驥一毛得毛字

率馬以驥得身字

道遠知驥得賢字

林繁匠入得材字

風雨奉龍得龍字

江船火獨明得船字

丙吉問牛得牛字

金受礪得偏字

李愬雪夜入蔡州得州字

狄青元夕張宴奪崑崙關得關字

周瑜縱火燒曹兵赤壁下得風字

韓蘄王湖上騎驢得驢字

聖爲天口得言字

爲鈴則小得銅字

鷹隼出風塵得高字

巨鼇冠瀛洲得鼇字

虎豹之韓得猶字

松柏蔭塗得塗字

愚公移山得愚字

棟莫如德得勝字

黃河千里植得河字

共登青雲梯得梯字

金馬式得衷字

海氣百重樓得重字

鷹乃學習得先字

江清月近人得清字

將飛得羽得將字

林木似名節得盧字

水非水不流得非字

龍泉必在晉得晉字

桂樹冬榮得融字

夏雨雨人得甘字

偃伯靈臺得臺字

龍應鳴鼓得龍字

麥天晨氣潤得天字

水母目蝦得江字

種竹交加翠得加字

春日載陽得和字

老當益壯得王字

梅雨灑芳田得甘字

自天題處濕得優字

蝴蝶上階得蘇字

中夏含霜得霜字

簾波得交字

山空氣相合得空字



王瓜生得王字

蒙伐有苑得文字

程表朱裏得程字

土爲露得爲字

風約半池萍得萍字

迷路出花難得花字

細雨鶯飛重得飛字

嶺樹如簷得簷字

搏黍爲鷺得覃字

六藝道德本得誠字

花蕊上蜂鬚得鬚字

茅亭宿花影得茅字

和闐玉得輪字

燕乃睇得巢字

簫聲吹暖賣飴天得簫字

鶯出谷得遷字

先雨芸耨得先字

暖風抽宿麥得韓字

水色含羣動得含字

枕善而居得居字

痕都斯坦墨瓶得祿字

昭文不鼓琴得全字

人字柳得池字

魚戲水知春得春字

綠竹夾清水得兼字

水不策驥得咸字

對門藤蓋瓦得藤字

澗響入銅瓶得瓶字

醬鹹于鹽得鹹字

夏蟲語冰得冰字

帶鳥性仁得仁字

新萍泛沚得新字

潤物細無聲得無字

樓深月到難得難字

泥金帖得家字

園柳變鳴禽得鳴字

巨魚縱大壑得魚字

紅綾餅餤得嘉字

深巷明朝賣杏花得花字

寒雲輕重色得雲字

風泉韻繞幽林竹得幽字

春色滿皇州得春字

一日成三賦得江字

鳥窺新捲簾得簾字

自鋤明月種梅花得鋤字

璇源載圓折得圓字

孟方水方得猶字

王尊叱馭得忠字

雨絲煙柳欲清明得莊字

畫脂鏤冰得功字

郊原浮麥氣得郊字

坐茅以漁得茅字

鳴鳩拂其羽得江字

羣才屬休明得才字

早韭得春字

花朝得朝字

閨花朝得天字

賦得詩二 一百四首

鶯脰湖銀魚二十韻

鼻煙得煙字十二韻

編爆得編字八韻

畫地作餅得名字

反舌無聲得聲字

黃鍾爲律本得爲字

虛車之餽得慙字

得意忘言得言字

大衍虛其一得虛字

聖有四府得經字

茅三脊得茅字

四時殊氣得陽字

五日畫一石得能字

懷爲夾得材字

往來井井得來字

臨風舒錦得文字

一目羅得羅字

久旱雲亦好得雲字

旣雨晴亦佳得晴字

學如食鹽得如字

眼鏡得他字

爽氣澄蘭沼得心字



禁鐘春雨細得鐘字

秋山紅樹多得多字

澤下尺得生字

蓮出淥波得波字

守口如瓶得瓶字

桐不爲弓得弓字

以珠彈雀得珠字

馬不食脂得廉字

一樹百獲得人字

鉛可爲丹得丹字

郎官應列宿得官字

銅似土行得銅字

王猛捫蝨得溫字

穎脫而出得錐字

花梢漏雨濕春泥得泥字

左右修竹得排字

時暘若得難字

閏月定四時得和字

麥隴多秀色得常字

山雲潤柱礎得霖字

山人足魚得通字

春雲爲馬得雲字

桐始華得三字

秧鉞得鉞字

四月秀萋得成字

瞻山識璞得山字

細麥落輕花得花字

鳥集茂林得林字

庚子陳經得經字

詩雜仙心得仙字

瓶凍知寒得瓶字

待雪得膏字

清露滴荷珠得知字

明窗淨几得兄字

大言金石得人字

快雪時晴得佳字

開林出遠山得山字

蘭蕙有本性得香字

買絲繡作平原君得心字

形端表正得欽字

雞聲茅店月得聲字

春山半是雲得山字

夜寒雄劍老龍吟得吟字

松寒不改容得容字

天驥呈材得材字

松柏有心得心字

竹箭有筠得筠字

般斤思郢質得斤字

花與思俱新得花字

書帶草得書字

羣鴻戲海得鴻字

近竹花終俗得花字

蟻穿九曲珠得通字

江草亂青袍得青字

水晴樓檻落花風得風字

風簾入雙燕得簾字

終軍請纓得從字

圓荷浮小葉得荷字

九方歎相馬得形字

焦尾琴得桐字

暖漾魚遺子得魚字

江邨簫好晚登樓得音字

能後百花榮得花字

臧三耳得神字

一一吹竽得分字

白菊爲霜翻帶紫得霜字

天高日色淺得高字

荻陰連水氣得陰字

桂枝生自直得枝字

壁下一蛩終日鳴得秋字

風勁角弓鳴得弓字

橘柚待霜濃得霜字

鳥語溪光自六朝得南字

洗硯魚吞墨得吞字

烹茶鶴避煙得茶字

滄江十月雷得聲字

屐齒被苔黏得侵字

雨歇片雲閒得閒字

一顧誰人是出羣得人字

霜篠出寒條得霜字



烹茶松火紅得茶字

早蒨生軟角得蒨字

淵雅堂詩外集目次

淵雅堂詩外集

長洲王芑孫念豐

賦得詩一

振衣千仞岡得岡字八韻

振爾凌雲志言歌陟彼岡路懸千仞峻衣拂五銖涼削  
處排丹壁呼來近紫闔星辰攜滿袖仙佛入褰裳太華  
捫襟上雙丸掛肘旁湖山隨俯仰天地久低昂解帶流  
松吹影纓記蕙纓緇塵曾不染京洛亦青蒼

濯足萬里流得流字

有客滄浪詠平臨萬里流披胸羅宿海濯足看神州舄

下蛟龍伏波間日月浮欲傾河漢水併滌古今愁不插  
塵中腳常昂天外頭濤奔雙趾雪風浣一襟秋未便騎  
鯨去行當跨鶴遊此心寧待洗浩蕩寄輕鷗

見驥一毛得毛字

古之稱驥者曾不相皮毛況乃求千里而徒察一豪有  
倫參杪忽無地見雄鷲竟誤楊朱拔翻虞伯樂遭疵吹  
三伐細髮想五花高消息雲霄迴搜求腹背勞何人真  
刷野如爾久騰槽今日天閑下寧論窺豹曹

率馬以驥得身字

天下非無馬鞭笞只在人驥誠爲表率勢已振因循幾

輩曾空冀先驅早刷秦與君開道路此日見騏驎紫電  
奔孤影青雲付後塵權奇從駕馭驚鈍亦精神凡骨何  
須換驕嘶諒有眞法言通相士還以喻脩身

道遠知驥得賢字

驥不稱其力知之駕馭年自非塗有遠孰信氣無前指  
顧論千里風雲付一鞭此真馳以範爾豈屑爭先東道  
誰行地西來果到天霜蹄新閱歷月竈古山川龍種隨  
奔電蠶叢落點煙佶閑登

御詠式玉勉才賢

林繁匠入得材字

但有繁林在能招大匠來斧曾脩月用樹久倚雲栽定  
滿躊躇志非無礪砢材幾人傷代斲此手不空回拔地  
先成榦通天欲構臺一揮開宿霧萬丈劈驚雷盤錯根  
猶在邱山首重廻卽今收杞梓早晚傍三槐

風雨奉龍得龍字

劉安推所奉天用莫如龍挾雨常飄瓦拏風倒拔松神  
靈尊窟宅嘯喻走山峯鱗爪空濛現雲雷颯沓從白驚  
滄海立黑入太陰濃灑落千年契飛潛一氣衝和甘成  
際會岳瀆見橫縱

福極徵時若先幾應

九重

江船火獨明得船字

野氣昏如墨江痕淡似烟夜光翻在水暝色欲無天忽  
有明當岸遙知火是船暗籠殘霧重孤浸一星圓幾訝  
燈移戍原非燒入田斷無螢點墮豈有蜚珠聯隱約帆  
升降微茫路折旋羈人常獨醒炯與客心懸

丙吉問牛得牛字

漢朝丞相吉燮理作謨猷道路停騶騎從容問喘牛丑  
芽生肖大寅亮化機遒乾律調陽正坤元畜牝求霸材  
嗤扣角民瘼寄鳴瘡牧有維魚夢天非逐鹿秋寢訛關

稼穡駢白紀商周儻掛班書讀中興想廟謀

金受礪得偏字

金自鑪錘出功由砥礪全義因從草化性有克剛偏而  
豈精純質翻爲鈍置年受須摩以漸淬果試之便如水  
經千鍊他山藉一拳鋒鏖知必露沙礫諒無權繡澀光  
猶在新硎發自然切劘同粹玉寶氣互廻旋

李愬雪夜入蔡州得州字

大雪壓兜鍪飛軍入蔡州黑陰摧戰壘白點碎城樓不  
見刀光掠空無夜氣浮三更驅鶴鶴一箭叫鴟鵂迹過  
方知馬寒深已沒牛收還銀世界提出血骷髏鐵甲皆

裘纈冰戈亦劍矛朝來馳露布丞相到淮陬

狄青元夕張宴奪崑崙關得關字

邕桂新開幕崑崙尙有關上元紅燭宴下令白旗頒帳  
外銀花合軍中鐵甲擐蛾眉留半席鼉影沒前山劒逐  
流星入弓隨滿月彎觥籌參紀律火樹射朱殷鐃吹鐙  
詞裏尤泥爆竹閒一時傳檄了依舊角巾綸

周瑜縱火燒曹兵赤壁下得風字

一笑無江左曹兵竟欲東時危爭勝算年少得英雄地  
軸翻厓浪天機轉戰篷暗排千炬火明借半帆風龍尾  
招搖處烏頭卓立中煙塵俄自沸霹靂不從空慘澹蘆



枯白蒼茫壁斷紅旌旗猶在眼鐵版唱蘇公

韓蘄王湖上騎驢得驢字

蘄王兵罷後湖上奉祠居歲月過飛鳥江山人蹇驢夢  
中猶臥虎物外且觀魚記得黃天蕩曾翻赤日車風檣  
皆陣馬粉黛亦旄旗禿尾今如此雄心合付渠何人爭  
棧豆老我卽籃輿蒼莽園林在長鳴吊故墟

聖爲天口得言字

聖與天爲一天言卽聖言羅胸星宿在出口典型存噓  
吸通於穆幾微接混元霧披懸日月雪亮話乾坤河漢  
翻瀾極文章戴斗尊鬼神參唯諾雲雨豁冥昏允矣謨

兼詰森然角復根無疆欽

至教綸綍契同原

爲鈴則小得銅字

鈴于鐘則小俱是首山銅懷握聲何細鑪錘遇不同已  
儕金了鳥猶與玉丁東鴿脆霜霄裏鸞和月旬中鍊雖  
敲瘦骨響不振頑聾爾尙鏗鯨想人思繫虎雄增留淋  
雨曲旛借護花功牛鐸曾思趙猶堪備樂官

鷹隼出風塵得高字

鷹隼乘時出居然命世豪精神隨抖擻瞬息脫鞴絛塵  
土誰三窟風雲此一遭青霄歸掌握白草聽呼號捷足

空儕輩秋心付羽毛關河從起伏沙漠不蕭騷天下飛騰最人中氣象高

聖朝無搏擊鸞鶴覩賢髦

巨鼇冠瀛洲得鼇字

領取瀛洲勝巍然冠巨鼇靈區身絕頂仙界勢秋豪玉柱崢嶸極瓊宮結構牢六連翻窟宅一點壓風濤斷脚遭逢異當心擁戴勞人天誰所判頭地汝何高碧海看鯨掣丹梯接鳳曹

禁庭清秘選占首必英髦

虎豹之韓得猶字

相皮寧論鄴虎豹但名留此際毛安附誰云命不猶嘯  
風空想像窺霧久藏脩炳蔚平生氣銷磨歲月流犬羊  
今竝質狐兔莫須愁洗伐蟬三蛻文章貉一邱駿臺雖  
索價猿臂孰封侯敗鼓同嗤誚蒼茫憶食牛

松柏蔭塗得塗字

柏自丸丸茂松還鬣鬣敷列屏成美蔭偃蓋到長塗滿  
地陰堪借參天勢不孤軟紅全埽盡濃綠半交衢挈攬  
千尋榦消停萬里驅伐寧隨月桂種孰摘星榆古有蒼  
然質今無暘者須芘身

雲厦廣始覺守株迂

愚公移山得愚字

山豈移能去公當辱以愚百年雙肘在五嶽一心驅地  
角填滄海天梯接武都關河隨勢合丁甲不須呼精衛  
神明助靈威秘怪趨吞胷銷芥蒂平掌削崎嶇峽作龍  
門擘田看繡壤銷壯心懸落日的的照桑榆

棟莫如德得勝字

國譬明堂重巍巍待棟承自非脩厥德何以厚其憑擎  
柱心孤直飛梁勢翥騰不撓皆爾力匪懈果誰能如木  
堅多節斯人任克勝萬間懷夏屋一息履春冰結構參  
天在邱山得地曾八埏歸

壽寓咸仰

大猷升

黃河千里棹得河字

古有乘槎者天涯枕席過一痕懸碧漢千里度黃河蒲  
海杯觴小崑崙掌握多嘯歌淩碣石身世託盤渦道欲  
參浮瓠僊留不爛柯坐來同畫鷁直下駕橫鼉月裏前  
遊路星邊昨夜娥探源阿勒坦鑿空正傳譌

共登青雲梯得梯字

一握青如此雲霄好共梯山川開地肺河漢落天臍拾  
級初枕借登峯絕頂躋月宮懸渡穩烟磴逐層低螺折

盤盤上魚鱗疊疊齊樓高瓊有構階淨玉無泥閭闔依  
來近神仙路不擠攜將謝家句同向大羅題

金馬式得衷字

天馬寧依樣何當式以銅貌成騰霧種寫上伏波翁駿  
自皮毛外神來鍛鍊中金磨堪暴露玉立儼嘶風苔繡  
腥生綠桃花點散紅巧將三品質肖取九方衷範道良  
非範攻駒莫誤攻蒲稍今萬里猶說按圖工

海氣百重樓得重字

空際出芙蓉高樓定幾重氣如山並湧海是水之宗貝  
闕金銀雜鯨宮霧露濃一痕懸可渡百尺臥無從星斗

穿牕過波濤對戶春斷鼇寧有脚修鳳只憑胸析木連  
三島

安臚迓

六龍似聞東海若猶欲望

東封

鷹乃學習得先字

溫肅交乘候奇鷹得氣先試飛頻學習將攫示精專健  
骨雙條下秋心萬里前搜身旋颯爾側目又翻然暫掠  
平蕪地低盤大漠天霜毛森變角風力入空拳顧盼須  
臾改蒼茫搏擊便高墉占利獲刷羽在斯年



江清月近人得清字

危檣江上程遙夕坐空明沙迴雪無色潮歸月有聲一  
輪孤未落九派印同清高不依天住寒先傍客生魚龍  
驚斷岸鼓角逼殘更扣榜吟輝苦推篷度影橫百年心  
獨炯萬里路長征親切憐蟾魄無眠想玉京

將飛得羽得將字

元家八十一其一記名將謂且翻飛去增之羽翼強霜  
毛森腹背風力入豪芒往者非雞伏今茲孰雁行扶搖  
從息養倉卒露文章燕領新封拜鳶肩久頡頏雲霄憑  
咫尺江海覽青蒼莫但誇豐滿儀

廷有鳳凰

林木似名節得盧字

名節資培護嘉言記自盧如林求樸橄維木念根株挺  
拔天姿好扶持地力俱風烟從長養雨露豈斯須雷笋  
生牙角霜松動甲鬚萬牛今負荷一蟻昔憂虞礪礪心  
猶在蒼茫道不孤

明堂隆棟日還問舊工夫

水非水不流得非字

助水還須水同流勢莫違濫觴隨所受擘峽竟能飛浩  
浩誰增壯涓涓自積微白翻千穴細絲縐幾鱗肥合澗

新爭鬪排山好氣機長江兼漢入清濟貫河歸大信潮  
堪驗朝宗海是依涓涇天鑒別始覺註家非

龍泉必在腰得腰字

龍必騰泉出飛來却到腰平生吾與汝把握暮還朝圍  
此秋三尺抽將雪一條倚從天外久光肯匣中銷敢快  
恩讐意憑看颯爽標孤身今付託亂領孰昏驕犀帶忘  
俱適雞冠道可要毛錐虹氣在同報

聖人朝

桂樹冬榮得融字

桂是經冬樹凌寒轉蔚蔥秋心花未了春味葉常融炎

微無南雪陰厓有朔風便移霜窖外宛似月輪中偃蹇  
成蟠曲甘辛抱始終丹黃留昔夢老辣信孤衷庭柏濃  
分翠山茶小綴紅汝寧榮暮齒調鼎晚薑同

夏雨雨人得甘字

斯人方待澤如望雨敷甘卻似歌維夏而今賦有淪旬  
剛符甲子哇弗病丁男雲氣蒸翻墨天陰變蔚藍龜紋  
銷日坼龍力戰雷酣非此油然沛難爲賜者堪半蓑殘  
暑滌一枕嫩涼探霸佐安知道春膏

帝世覃

偃伯靈臺得臺字

懿古敷文命維新偃伯臺義徵靈囿協化自法宮推日  
月三霄近風雲萬里開龍韜傳箭定虎旅捲旗回露布  
旋馳羽霜刀不吼雷締基天有險劃界地無陔蕩蕩  
黃虞治區區管樂才西戎今卽叙又報越裳來

龍應鳴鼓得龍字

絕壑來鳴鼓淵闌起臥龍旋看游蜿蜒不比奏鼙鼙撒  
雨纔千點拏雲忽萬重羆靈驚乍吼蛟瘦舞相從雷走  
雙單杖風驅下上蹤大聲翻窟宅孤攫動層峯桴契神  
斯應飛騰氣早衝諒無愆澤用懸以和金鋪

麥天晨氣潤得天字

麥信芳晨報清和暢好天氣應浮郭外潤覺到衣邊破  
曉三竿日含秋一棧烟雨從前夜入花未午陰圓鑪宿  
寒餘火琴寬昨上絃香真參餅餌曬欲檢書編霑綠侵  
軒砌鋪黃徧陌阡豐穰嘉慶足

壽寓日如年

水母目蝦得江字

水母雖無目因蝦溯急瀧名空標石鏡浮不辨苔砭以  
彼彎腰脊聊資拓眼腔未曾撈艸屨幾欲瞰篷窗混沌  
何須鑒光明別有幢舌應長不卷晴似點來雙博物誰  
觀海徵文偶賦江

盛朝王會集鵜鰈問遐邦

種竹交加翠得加字

竹記前時種今來翠似遮叢緣低歷亂陰漸密交加月  
寫庭中藻烟迷帳角紗小分金瑣碎孤挺玉丫叉鴉嘴  
鋤懸壁貓頭擔滿家曲因穿薜逕直未夾桃花紙閣朝  
聽雪柴門晚踏沙杜陵空谷意倚袖念桑麻

春日載陽得和字

月令諧幽館韶陽紀籥歌信探風外暖春覺日邊多煦  
姬迎新淑暄妍協始和蠶窗紅護繭鷗渚綠添波九十  
辰初麗重三節未過龍葱催宿麥長養到寒莎土覘覘

徐動生機燦已羅近

光瞻載切欣傍萬年柯

老當益壯得王字

漢志言徵馬唐賢序著王咸從抑之戒彌見壽而臧古  
者稱頤慶今茲萃老蒼君如平格爽叔乃壯猷方頗也  
軍思趙錢乎史職商書從轅固獻經比伏生詳叟宴珠  
弧炳耆英蒞榜張篤惟  
皇有極敷錫福無疆

梅雨灑芳田得甘字

占歲田宜沃知時雨自諳灑經梅候熟芳有土膏涵林



綻黃初染秧抽綠正酣新畬開夏五宿潤繼春三穀穀  
聞啼鵲家家過養蠶節剛臨午日賀已遍丁男醞釀穿  
朝旭陰晴帶晚嵐

八徵符

肅父如願慶敷甘

自天題處溼得優字

暑服邀天錫分題被澤優封兼泥印重溼帶墨華浮花  
押縈雲密芝英浥露流慚無鏤管握想見彩豪抽潤自  
三霄溥光逾五色稠機絲知幾匹筐篚貢何州字合冰  
銜認書從玉笈讐

聖恩頒節慶捧拜向

彤樓

蝴蝶上階得蘇字

爾雅偏遺注賢王舊補圖堂曾鱸作號人與蝶爲徒階  
豈青瑤縠衣還金粉塗采芹香不厚餐荷興同孤栩栩  
巡檐角飛飛戀座隅蹉跎三絕鄭贊歎五言蘇詩好名  
空在官閒夢亦無稅期愁籠獻莫近宰公鳧

中夏含霜得霜字

燠館雲爲界虛堂玉作梁坐忘三伏暑渾道九秋霜欲  
埽鴛鴦瓦仍開菡萏觴晶盤盛藕出雪壁畫梅張卷却

臨風幔循來偃月廊廣寒今有府消夏古何鄉漏點疑  
鐘應圍屏帶戟光冰壺此中貯分得

殿琴涼

簾波得交字

庭院清如水簾波到地交幾絲分簾竹半掛映檐茅漢  
影斜星檻湘文寫月均秋廻淞一翦春誤燕雙拋柳暗  
添成浪花明颺過梢有時珠瀑濺卻是玉鉤敲鎮小眞  
浮鴨綃輕不買鮫緯蕭人詠此滌筆定須教

山空氣相合得空字

山勢往而復山形渺若空幾層分淺淡一氣合冥濛雲

接天梯斷烟開地絡通直疑蒼翠外都在混茫中點點  
痕難辨峯峯畫不同螺旋迷下上鳥道失西東已豁三  
朝霧仍迴萬壑風攜筇寥廓處佳趣領何窮

王瓜生得王字

呂覽徵瓜候稱名似紀王種應嘉首出氣或稟中央蔓  
引低懸綠華疎嫩綴黃臍環寒削玉肌栗脆生香斜  
窵鸞眠項輕敷鶴爪霜抱寧嫌內苦剖自沁心涼摘露  
縣縣遠搖風磊磊長

尙方春薦早包杞重含章

蒙伐有苑得文字

畫盾稱蒙伐名兼討羽聞無前耆厥武有苑著其文未  
覩龍刀影先驚雉采紋鳶肩遮不盡馬足閃難分入陣  
圓如月圍城爛若雲攪翻貔虎隊堆作鵲鵲羣茶火連  
行旆丹青映戰裙藉將磨墨好奏凱詠歸軍

程表朱裏得程字

長笛裁筠製工兼表裏成塗朱中絢爛叶律外分明丹  
漆玲瓏見宮商次第程削膚呈六竄按指譜雙聲誰截  
珊瑚管橫嵌韎韐精細標宮尺寸歷紀調清平不點紅  
牙拍常隨紫玉笙含和獻衷赤疏越和

韶龔

土爲露得爲字

湛露資生化神功果孰爲謂從雲液變卻自土膏施黃  
壤薰蒸處丹霄沆瀣時作甘零有味動覲釀彌滋銅掌  
迴天澤珠囊控地維社會封五色瓢欲斟三危起乍占  
蓬勃濃應上桂枝嘉祥徵寶甕溥潤本堯茨

風約半池萍得萍字

池養淪漣水波浮聚散萍鋪來全拭鏡掠去半依汀約  
取輕勻處驅開熨帖形根翻千點白天劃一邊青風勢  
捎斜檻烟痕沒遠坳橋分中渡月燈漏隔湖星簇簇吹

還皺層層漾未停落花文有渙吟賞愜清冷

迷路出花難得花字

雲徑入天斜迷人總是花只緣春一色難辨路三义礙  
帽藤蟠曲鉤衣樹攪拏乍循苔磴出旋被藥欄遮嶺記  
來時是橋從轉處差折梅曾此地飛絮又誰家密密籠  
山澗疎疎隔浦沙問津知未得惆悵武陵霞

細雨鶯飛重得飛字

睨睨鶯初出冥濛雨乍霏細兼垂露潤重碍觸烟飛力  
道穿花弱光仍泣葉稀珠流無數點金曳幾銖衣坐碧  
黏輕絮巢紅溼落菲期寧憇塊破歌覺繞塵非正以霑

膏渥渾思擇樹依

上林欣刷羽有願向陽晞

嶺樹如簪得簪字

緣嶺多高樹扶疎帶遠嵐已看浮若薺還覺小于簪  
拔出烟鬟岫抽來月鏡潭幾株翹插鳳一髮引眠蠶半股  
松身折雙丫笋石參冠雲峯戴筆沐雨鉤開函梯欲青  
雲接釵同紫玉探岩阿高詠客散髮感鬢鬢

搏黍爲鶯得覃字

鶯有區名者箋詩記葛覃號從搏黍附類豈竊脂參性  
乃含桃慣聲非布穀諳喚春忘覆粟踏曉憶攜柑月令



殊嘗璣風番過煮蠶紅餘鸚粒美綠未燕芹甘綬帶花  
前後春鉏水北南劬農勤  
法駕因爾念耕三

六藝道德本得誠字

游藝探其本原由道德呈兼三參太始用六偶分名黼  
黻文宣質宮商器寫誠鏘鸞馳以範懸鵠示之正勾股  
珠籌衍形聲玉筩明教從周保氏典引漢班生勿謂形  
而下端須約乃精折中歸  
至聖被服勉躬行

花蕊上峰鬚得鬚字

午韻晴闌外蜂聲下上俱辛勤探一蕊珍重捲雙鬚偶  
以吹花颺猶看飲露濡餐英心栩栩摘豔技區區腰爲  
尋芳瘦脾應待蜜腴塗黃先到頰拾翠不憐跼絮尙堪  
黏否香眞入抱無中邊誰領味所得異春駒

茅亭宿花影得茅字

襖被宿烟郊郊亭舊縛茅種花當屋角落影恰窗切安  
帖移床置扶疎入檻交月隨人到枕雲與鶴同巢荇藻  
明空曲松篁寫混淆陰添楊柳桁痕壓海棠梢紙帳誰  
曾畫柴扉諒莫敲此中剛夢蝶身世悟懸匏

和閬玉得翰字

玉隴歸

皇域瑤樞獻瑞符  
采山蒼有質探水白  
彌腴誰道天方遠  
全看地寶輸神工  
尊喀瑪鬼斧奪痕都  
貢歲同筐篚撈秋祇  
役徒騰虹如可驗  
抵鵲諒非誣斐仰

虞廷磬雕成夏后圖  
于闐譌舊譯今作

帝光區

燕乃睇得巢字

燕燕時相見何方定  
爾巢乃從珠幌底睇  
到玉窗坵乍是呢喃  
處剛逢盼睐交烏衣  
迷巷陌白板認衡茅  
秋水神雙翦春簾誤  
一拋直尋文杏桷斜  
掠畫叉梢商略新

安壘端相舊樂郊闕觀從上戊占利易之爻

簫聲吹暖賣餠天得簫字

清明天氣暖吹徧賣餠簫冷節傳榆火暄辰醉柳條擔  
隨花入市聲與展過橋斷雪從今日番風換幾朝錢應  
分白打鼓不鬧紅么杏與衫爭色桃還粥共調曲殊金  
管貴春買玉壺饒寫出江南景昇平畫

聖朝

鷓鴣出谷得遷字

鶯聲初睨曉谷口尙流連出與宮鴉曙來居社燕先山  
林餘舊隱樓閣換新年信已探花外聲刚到柳邊金衣

寒自重珠串暖纔圓搏黍清平曲攜柑淡沲天飛從喬  
木上巢憶故厓巔早晚櫻桃宴嘉音報始遷

先雨耘耨得先字

齊民傳要術管氏補農編耨耨占雲上維耘趁雨前儻  
教泥滑滑將奈艸芊芊鴉嘴攜新鍤龜紋坼舊阡赤憐  
當背日綠蘿繞鞦煙潤礎看連夜陳根憶隔年好乘蓑  
挂壁莫恃燒開田省歲方東作

宸心更在先

暖風抽宿麥得韓字

宿麥經新暖風前試靜觀幾番花換信半稜穗抽端欲

識芃芃盛眞爲乙乙看岐先迎夏出浪不卷秋寒芽莫  
金鉤屈鬚因玉粒攢豈惟生上尺全與拔泥蟠瑞合占  
同穎光應異汜蘭

省耕豐兆協紀候語徵韓

水色含羣動得含字

此水寧無底清華色湛涵盡將羣有入全與動機參魚  
鳥同飛躍樓臺互北南坡身眞化百蓬島望成三橋影  
翻弓背花光舞鏡函依然流不住澹以靜相含出沒烟  
雲變空明荇藻探杜陵心似洗印月想千潭

枕善而居得居字

士有潛修者身常與善居寐歌雖獨自枕藉敢忘諸室  
暗誰臨汝衾長或愧渠黑應甜入境白白集于虛反側  
關雎始逍遙化蝶餘夕寧忘惕若夢亦到華胥刺股曾  
嗤彼捫心只問予秋懷蘘菊在省過夜何如

痕都斯坦墨瓶得祿字

印度天西極溫良硯北來挈瓶神技寓刻楮鬼工精略  
嗎尊先匠隄麋屑古煤一泓含麝馥萬里過龍堆汁比  
金壺潤紋隨玉甕開此中罪有露以外接無雷拔達興  
圖按都九職貢陪茗華歸  
壽寓嚮化異招徠

昭文不鼓琴得全字

齊物參琴操昭文故渺然獨留懸解在欲使太音全妙  
得中聲趣何煩一倡宣韻存瑤柱外神契玉徽前靜籟  
還松際清音寄水邊是誰真識曲不必定無絃鶴舞山  
山月峯含點點烟方知牙曠賞猶是譜中傳

人字柳得池字

漢苑傳人柳今觀

太液池兩株明宿影一桁颺風絲宛轉如成字纏綿更  
有姿寫來新樣腳畫出好腰支垂露雙搖曳霏烟半合  
離絮飛身現在花押勢參差張緒神清日公權筆正時



丹豪垂

聖賦雨露幾回滋

魚戲水知春得春字

蓬蓬流水上魚樂及茲辰銜尾東西戲遨頭九十春紅  
看跳撥撥綠已皺粼粼不是冰銷玉安能鼉鼓銀桃花  
今日浪蓮葉去年身烟漲三篙軟霜腮一尺新方知浮  
鴨處早有浴鱗人此際來莊惠濠梁託契眞

綠竹夾清水得兼字

水穿林下過竹蔭岸傍添夾列何森竦中涵却潏湑清  
如臨鏡面綠已到衣襜沾豈成丁字曦先失午炎斜捎

三尺淺倒浸兩行兼籜是全然解塵應未許霑鱗鱗紋  
欲縐个个影垂尖此景摹江管生花句偶拈

水不策驥得咸字

涉水誰無筏何容驥足提豈能馳以策而忘蹶之銜共  
訝流如駛休誇駿不凡歌應翻打漿名誤認驚帆漲未  
桃花穩鞍徒杏葉嵌揚鞭須峻阪喚渡惜征衫俯仰風  
波愼生平磬控嚴濟川舟楫喻傳說後人咸

對門藤葢瓦得藤字

小巷門南北斜檐瓦接承對衡餘古蔭張蓋引新藤鴛  
有重重甃龍如矯矯騰架欹紅一角欄覆綠雙層陰不

鄰家借綢維爾屋乘掃霜連樹柵漏月到觚棱鴟吻看  
猶露蛇藏或未應杜陵詩句在肖景畫誰能

澗響入銅瓶得瓶字

挹來山腋澗注入井睂瓶猶帶穿池響渾知隔座聆雪  
翻新滌白銅蝕古華青剝蘚殊鳴缶滋花想護鈴簾分  
珠絡索膽受玉冬丁笙向茶邊擬琴從竹外停鍊餘聲  
替戾涵得色清冷魚版招提寂懸瓢好共聽

醬鹹于鹽得鹹字

醬自周官掌鹽稽管氏嚴調和心有匠分別舌知鹹羅  
列兼醢醢消融幾玉城盤非蜺卵供籩異虎形鑊醢釀

菁華在商量輔頰咸計升論戶口覆甕圻封緘飴蔗誰  
尋本青藍例發凡

天廚參鼎鼐知味德之監

夏蟲語冰得冰字

九夏蟲飛候從來不識冰梢從珠網遍貯豈玉壺能踏  
凍橋三版號寒壁一燈臥曾傳躍鯉書莫寫癡蠅安得  
同年語難爲觸熱憎蠶雖探穴有蚊敢負山憑納凌惟  
嚴潔拘墟祇戰兢條銜承

聖化小智以時徵

帶鳥性仁得仁字

埤雅禽經補曾傳帶鳥仁匪伊垂若若自爾性循循未  
肯鷹鷂逐無慚組綬身圍將三尺玉鳴是一腔春毛羽  
從來惜雞蟲了不瞋蟬冠知暫貴鵲印諒非珍族本分  
巢鳳心堪問藪麟驕牙翔  
德化馴狎久含淳

新萍泛沚得新字

三月龍池秧輕萍泛沚新嫩纔看拭鏡疎未疊成茵依  
約乘桃漲平分夢草春紫翻剛點點綠縐只鱗鱗飛絮  
猶前日隨波任此身流之原不住逝者果何因燕尾光  
如染鷗鄉色漸勻浮生當

太液託跡異江蘼

潤物細無聲得無字

好雨潛滋物悄悄細遍敷潤纔流礎角聲不到簾鬚暗  
徑看初覺登樓聽未須響從雙屐出靜擬一絲無竹籟  
空敲玉松釵只綴珠霏微秧馬外消息杏花俱野綠全  
鋪毯泥紅欲點酥嘉占符十日

天澤共涵濡

樓深月到難得難字

畫樓藏結構素月皓團圞地勢深而宵天光到轉難入  
緣梯曲折賞待坐盤桓銀蠟頻銷夜晶簾只貯寒暗纔

分屋角影未墮檐端屢覺鑪薰換剛攜筍簞看碧傾千  
疊瓦紅倚幾層闌虛白還生室應爲悟道觀

泥金帖得家字

帖子徵唐士科名話亦嘉紅箋增煥爛墨義等傳誇字  
帶宜春草豪生及第花數行兼錯采今日果披沙金選  
場千佛泥封殿九華不同僊有檢喜勝客還家火急聲  
先鵲塗成體類鴉一書真抵萬天上又宣麻

園柳變鳴禽得鳴字

園柳春深淺新禽取次鳴啁纔過凍雀歌欲坐流鶯反  
舌爭迎曉誇腰恰放晴濃陰留一月歸燕話三生雨密

烟疎處移宮換羽聲霜枝懷鵲繞雪絮悟鴻情金縷連  
朝重珠吭逐樣更好音隨候變布穀又催耕

巨魚縱大壑得魚字

絕壑涵濡巨交孚契水魚蛟龍分地位鱗甲養天墟潛  
躍忘俱適飛騰縱所如江湖身外事風雨腹中書顧盼  
生頭角蒼茫接尾閭門眞登大禹潮欲笑靈胥勢擊三  
千上程開九萬初

聖涯方逮澤在藻詠那居

紅綾餅餤得嘉字

曲江春宴啟餅餤出官家墨榜名初上紅綾賜最華中



邊蜂蜜透層疊鶴紋遮玉屑迴文樣瓊肌十字叉蒸雲  
凝薄練團月翦輕紗冷不洵槐葉香應洗豆沙酥搓難  
試手絲軟肯膠牙此日恩榮下便蕃許拜嘉

深巷明朝賣杏花得花字

商略明朝事晴光在杏花前村連擔入深巷一條斜卻  
恐聲遲到先愁例不賒青須全質擲紅定半肩遮銀箭  
催遙夕烏衣隔幾家乾應占鵲喜鬧儻雜蜂衙市屐來  
爭響餉簫賣竝譁買春茅屋下準備詠新葩

寒雲輕重色得雲字

短景將迎日新寒欲鍊雲澹濃參意態輕重各氛氲雁

背沉沉色魚鱗疊疊文抹來天一角釀到雪三分乍覺  
翻焦墨旋教漏薄暝數層堆絮影幾尺畫羅紋出岫催  
詩意登臺紀瑞聞時甘豐玉早占望

聖心殷

風泉韻繞幽林竹得幽字

風自溪坳轉泉經石罅流偶緣從竹繞偏覺入林幽韻  
以清彌永音如曳更留卻將千个綠併作一庭秋戛玉  
應無此跳珠或似不聽輕猶颯沓瀑細但颼颼蠟屐山  
閒寺停琴水上樓幾回聽不盡寫影記湖州

春色滿皇州得春字

壽寓豐融會皇州景色新日邊原自暖天上果先春鳳  
紀陳周甲

龍旂出上辛燈如明月滿塵與好風馴雪屋銷瓊麗雲  
街軟繡勻萬家元夕宴一路曲江人花市紅離宮冰池  
綠縐鱗

詔恩頻薄錫化國況無垠

一日成三賦得江字

賦誦含豪馬詩吟授簡江六時爭箭急三度擲金撻鶴  
舞琴心疊龍文鼎足扛直看言綴萬不待管操雙倒峽  
駒奔隙迴戈鳥掠窗陽關篇外續太華筆尖峴秦論詞

空費吳都氣已降餘情重刻燭笙叶聞歌腔

鳥窺新捲簾得簾字

好鳥如窺牖高齋正捲簾湘紋欹一角漆點湛雙硯偶  
誤敲銀蒜頻來掠畫檐依人誠有致投隙又何尖鸛眼  
剛開硯蝦鬚不覆檐星隨眸子轉月傍額鉤纖幔尙懸  
金穗泥防污玉籤新新觀物意生趣寄飛潛

自鋤明月種梅花得鋤字

一白未知處鏗然月在鋤移將梅偃蹇自與種扶疎昏  
黑三更外荒黃半畝餘掛愁天似水蘇凍地翻畬偶影  
兼描我前身本是渠幾生修得到此照寫何如長柄鴉

磨鐻寒關鶴守廬孤山孤絕意儻約亦刪除

璇源載圓折得圓字

記取璇源處波呈幾折圓不知珠孕滿祇訝縠紋旋振  
柁環俱轉垂綸壁可穿曲剛循砥柱小欲印荷錢縱復  
迴風至還如寫月然重規橋跨地窺管鏡涵天直下盤  
渦走斜分潏沼偏何人探象罔試手到驪淵

孟方水方得猶字

民當于水監君似仰孟收圓轉神相赴方諸例可求奉  
圭身四面絜矩意三周甌覆金爲罔隅隨玉記流鑑懸  
天不漏磬折物還浮納鑿人何慮翻盆事弗侔觀瀾明

卦體畫卦驗箕疇藏顯歸

皇極微言載遠猶

王尊叱馭得忠字

九折崦嵫阪王尊叱馭雄昔賢徵子孝此險試臣忠  
慷慨登車願馳驅報國躬天涯隨馬足地上失蠶叢驚駿  
鞭笞下安危攬轡中騶呵憑指顧谷響碎虛空不履羊  
腸道安知虎眈衷

西師平廓喀一線萬蹄通

雨絲烟柳欲清明得莊字

春向柳梢望清明信息將幾絲經雨候一帶畫烟光漠

漠飄燈箔陰陰罩踟場夜潮添鳴綠曉陌洗鵝黃笠屐  
聲何處鞦韆指那廂官家傳蠟未天氣賣餠剛雁齒橋  
南北褰霄路短長欲分榆火到好句記葦莊

畫脂鏤冰得功字

冰是雲斤削脂應月斧攻瓊酥隨指下玉鑑入規中虛  
願同然豹奢心欲語蟲畫成文錯落鏤出致玲瓏辱想  
千金販清忘一勺通滑難凝曉雪銷怕見東風融化非  
無術雕磨別有功壯夫心事在勿遣悔揚雄

郊原浮麥氣得郊字

宿麥孳新處浮浮氣滿郊周原微

圻纔分穗鉞芒直到梢迴將朝露色汎出遠風交不是  
平鋪繡眞同疊浪拋光如離地起痕欲與天淆雨沒犁  
三尺雲蒸水一圻明昭歌  
帝力豐慶徧衡茅

坐茅以漁得茅字

尙父漁于渭當時坐以茅索綯瞻屋角抽繭下竿梢一  
縷渾忘餌三重小結巢風歌頰尾日露感白華交純束  
人知禮川虞政執教躍舟開牧野縮瓚兆周郊網濶星  
垂留檐低月覆坳鷹揚鼇釣日占協泰初爻

鳴鳩拂其羽得江字



拂羽鳩知候飛鳴傍繡幃殊鴛有戢聞肯鵲爭降白  
項新辭樹烏衣昨渡江將雛均一一逐婦又雙雙吐綬  
空垂帶提壺恰換腔梳翎依鶴柴拍翼到雞窗麥隴隨  
馴雉桑村靜吠厖催成耕織景序協  
聖經邦

羣才屬休明得才字

泰英中天衍休符

首祚開星輅分授節蕊旂屬掄材濟濟當塗盛明明頓  
網恢光眞觀玉燭傾蚤奪金臺會有空羣士登爲命世  
才身今辭笠屨籍已注蓬萊兵氣銷江漢珠躔麗斗台

賢書方獻

闕還繼捷書來

早韭得春字

韭憶山居早登廚紀始春  
掘泥纔昨夜逞味最斯晨  
把送園官舊單遴食客新  
茁從霜後脆剪向雨中親  
助已珍肥孳生兼雜細  
辛種隨挑菜節花及頌  
椒人帖寫楊家瘦謎猜  
庾館貧上元煎餅會分

賜逮詞臣

花朝得朝字

冀朔占移候花辰序已調  
春隨年共換性與日俱韶  
胎

嚮珠前結魂蘇凍後招好風吹五夜圓月作三朝玉蕊  
探應苗金錢洗不銷安排懸紫障預祝繫紅綃消息雲  
遮路躊躇雨隔宵芙蓉生自獨初度感湘謠

閨花朝得天字

冀紀辰剛浹花推甲有先春工今再造香國本長年月  
滿三朝宴風流宿世緣例將初度祝夢以返生圓佛證  
重來果僊留劫後天繁華身未了芳潔故依然蓬矢纏  
紅處桐圭孕綠前餘暉兼小草迎暖意縣縣

淵雅堂詩外集